

Na osnovu člana 19. stav (2) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06) i tačke 10. stav (10) Programa utroška grant sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Kapitalni transferi javnim preduzećima - Finansiranje razvojnih projekata u Federaciji Bosne i Hercegovine“ („Službene novine Federacije BiH“, broj: 38/17), Vlada Federacije Bosne i Hercegovine, na 112. sjednici, održanoj 20.07.2017. godine, donosi

## **ODLUKU**

### **O IZBORU KORISNIKA DIJELA GRANT SREDSTAVA UTVRĐENIH U RAZDJELU 17. BUDŽETA FEDERACIJE BOSNE I HERCEGOVINE ZA 2017. GODINU FEDERALNOM MINISTARSTVU ENERGIJE, RUDARSTVA I INDUSTRIJE „KAPITALNI TRANSFERI JAVNIM PREDUZEĆIMA - FINANSIRANJE RAZVOJNIH PROJEKATA U FEDERACIJI BOSNE I HERCEGOVINE“**

#### **I.**

Iz Budžeta Federacije Bosne i Hercegovine za 2017. godinu („Službene novine Federacije BiH“, broj: 104/16), u skladu sa Odlukom o usvajanju Programa utroška grant sredstava utvrđenih u razdjelu 17. Budžeta Federacije Bosne i Hercegovine za 2017. godinu Federalnom ministarstvu energije, rudarstva i industrije „Kapitalni transferi javnim preduzećima - Finansiranje razvojnih projekata u Federaciji Bosne i Hercegovine“ („Službene novine Federacije BiH“, broj: 38/17), utvrđuje se raspodjela dijela sredstava „Kapitalni transferi javnim preduzećima - Finansiranje razvojnih projekata u Federaciji Bosne i Hercegovine“ Federalnog ministarstva energije, rudarstva i industrije za 2017. godinu u ukupnom iznosu od 3.700.000,00 KM prema odobrenim zahtjevima, za finansiranje razvojnih projekata privrednih društava iz oblasti namjenske industrije, kako slijedi:

1. Privrednom društvu Zrak d.d. Sarajevo, Adema Buće br.148 Sarajevo, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 300.000,00 KM za nabavku opreme i uvođenje novih proizvodnih linija (oprema za rezanje vodenim mlazom, SLG 80 S1/1, SLP 80 S1/1, Remont Balzers 760, Spektrofotometar, Oprema za elektrostatsko farbanje, komora za klimatska ispitivanja, uređaj za ispitivanje na potres i 3D printer sa skenerom),
2. Privrednom društvu Tehnički remontni zavod d.d. Hadžići, Ul. 6. marta bb Hadžići, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 300.000,00 KM za finansiranje razvojnog projekta KN „UNA“ (razvoj ručnog lansera raketa RPG-7X40 MM, prema taktičko-tehničkim zahtjevima i uspostavljanje kapaciteta za proizvodnju),
3. Privrednom društvu BINAS d.d. Bugojno, Armije BiH br.171 Bugojno, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 300.000,00 KM za nabavku mašine za izradu pozicije rotora tip DMG SPRINT 20/8.

4. Privrednom društvu PRETIS d.d. Vogošća, Igmanska bb Vogošća, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 2.000.000,00 KM za nabavku i instaliranje pogona za livenje eksploziva za proizvodni proces preduzeća „PRETIS“ d.d. Vogošća.
5. Privrednom društvu „Vitezit“ d.o.o. Vitez, Tvornička 1 Vitez, iz sektora namjenske industrije, odobrava se dodjela dijela sredstava iz tačke I. ove odluke u ukupnom iznosu od 800.000,00 KM za pokretanje Planta za razvoj i maloserijsku proizvodnju punjenja za generatora gasa na bazi kompozitnih goriva.

## II.

Sredstva iz tačke I. ove odluke isplatit će se iz sredstava Federalnog ministarstva energije, rudarstva i industrije utvrđenih u razdjelu 17. Budžeta Federacije Bosne i Hercegovine za 2017. godinu, ekonomski kod 6154 – „Kapitalni transferi javnim preduzećima-Finansiranje razvojnih projekata u Federaciji Bosne i Hercegovine“.

## III.

Federalno ministarstvo energije, rudarstva i industrije će sa korisnicima grant sredstava sklopiti ugovore o realizaciji dodijeljenih grant sredstava, sa definisanim pravima i obavezama ugovornih strana.

## IV.

Korisnici sredstava iz tačke I. ove odluke dužni su dostaviti Federalnom ministarstvu energije, rudarstva i industrije izvještaje i materijalne dokaze o utrošenim budžetskim sredstvima.

## V.

Za realizaciju ove odluke zadužuju se Federalno ministarstvo energije, rudarstva i industrije i Federalno ministarstvo finansija - Federalno ministarstvo financija, svako u okviru svoje nadležnosti.

## VI.

Ova odluka stupa na snagu narednog dana od dana objavljivanja u „Službenim novinama Federacije BiH“.

V. broj: 1035 /2017  
20.07.2017. godine  
Sarajevo

  
**PREMIJER**  
Fadil Novalić